

nario, puol elezer in quello rezimento o ver officio li piace, per parte novamente presa, o lui o so padre o fradello o chi li piace; et tra loro si ballota, et convien haver ballote 6, le qual sempre se hanno; et cussì nota di sua mano in quella polizza quello che lui ha eletto, o ver lui medemo, digando: Sier tal, che fo nel tal rezimento o ver officio, che fo de sier tal. Et nota, che prima se solea stridar li piezi; ma al presente, per parte novamente presa nel mazor conseio, non si strida; ma ben, volendo intrar li romasi in li officij o ver rezimenti, danno li piezi a li avogadori, et puol qual zentilhomo li piace, che tutti sono boni. Et cussì, spazzado el primo rezimento, segue l'altro fino a tutti nove; et quello medemo si fa in le altre electioni. Et *verbi gratia*, quando si fa più de nove vose, compite le prime nove vose, chi eleze primo comenza ad elezer fino che compisseno, et cussì si va facendo. Et se per caso, ch'è raro *imo numquam*, uno è tolto in election, et ballotato non vien al numero di 6 ballote, quello tal puol esser ballotado tre volte et non più, et non passando ditte 6 ballote, quello ch'è suo electiona-